

2007 nr. 72 28. mars**Lög um réttarstöðu liðsafla aðildarríkja
Atlantshafssbandalagsins og Samstarfs í
þágu friðar o.fl.**

Tóku gildi 5. apríl 2007. Breytt með 1. 34/2008 (tóku gildi 31. maí 2008 nema ákvæði til bráðabirgða sem tók gildi 8. maí 2008).

■ **1. gr.** Ríkisstjórninni er heimilt að fullgilda fyrir Íslands hönd eftirtalda alþjóðasamninga:

1. Samning frá 19. júní 1951 milli aðila að Norður-Atlantshafssamningnum um réttarstöðu liðsafla peirra.

2. Samning frá 19. júní 1995 milli aðildarríkja að Norður-Atlantshafssamningnum og annarra ríkja, sem eru aðilar að Samstarfi í þágu friðar, um réttarstöðu liðsafla þeirra ásamt bókunum við þann samning frá 19. júní 1995 og 19. desember 1997.

■ **2. gr.** Ákvæði laga þessara gilda um erlendan liðssafla sem dvelur á Íslandi á grundvelli þeirra alþjóðasamninga sem tilgreindir eru í 1. og 2. tölul. 1. gr. eða á grundvelli bókunar frá 28. ágúst 1952 varðandi réttarstöðu fjölbjóðlegra hernaðarlegra höfuðstöðva sem stofnsettir eru samkvæmt Norður-Atlantshafssamningnum.

□ Utanríkisráðherra er heimilt að ákvæða með auglýsingum að ákvæði laga þessara skuli einnig gilda um annan erlendan liðsafla sem dvelur á Íslandi á grundvelli alþjóðasamninga sem eru skuldbindandi fyrir Ísland að þjóðarétti og veita slíkum liðsafla sömu réttarstöðu og veitt er í framangreindum samningum.

□ Mönum í erlendum liðsafla sem dvelur hér lendis á grundvelli heimildar skv. 1. eða 2. mgr. er heimilt að bera vopn hér lendis enda hafi þeir heimild til þess samkvæmt reglum þess sendiríkis sem þeir tilheyra og uppfyllt séu skilyrði sem íslensk stjórnvöld kunna að setja varðandi slíkan vopnaburð.

■ **3. gr.** Utanríkisráðherra fer með fyrirsvar af hálfu íslenska ríkisins í samskiptum við erlendan liðsafla skv. 2. gr., sendiríki hans og þau hermálayfirvöld sem hann lýtur.

□ Utanríkisráðherra fer með fyrirsvar af hálfu íslenska ríkisins vegna undirbúnings og fyrirkomulags friðargæsluæfinga og heræfinga sem haldnar eru hér lendis með samþykki íslenskra stjórnvalda og þátttöku erlends liðsafla skv. 2. gr.

■ **4. gr.** Erlendum hermálayfirvöldum er heimilt að fara með refsilogsögu og agavalda yfir liðsafla sínum og borgaralegri deild hans, eða einstaklingi úr skylduliði framan-

greindra eininga, á íslensku yfirráðasvæði í samræmi við ákvæði alþjóðasamninga skv. 2. gr.

■ **5. gr.** Íslenskum löggreglugrifvöldum er heimilt að handtaka mann úr liðsafla sendiríkis eða borgaralegri deild pess, eða einstakling úr skylduliði framangreindra eininga, sé þess óskað vegna kæru fyrir verknað sem er refsiverður samkvæmt lögum sendiríkisins og hermálayfirvöld þess eiga lögssögu yfir á íslensku yfirráðasvæði á grundvelli alþjóðasamninga skv. 2. gr. Þetta gildir jafnvel þótt sá handtekní sé grunnaður um verknað sem ekki er refsiverður samkvæmt íslenskum lögum. Framselja skal hinn handtekna til hermálayfirvalda sendiríkisins sem fyrst og í síðasta lagi tuttugu og fjór um tínum eftir handtökuna.

■ **6. gr.** Hver sá sem ljóstrar upp um eða kemur á framfærni vitnesku sem leynt á að fara varðandi öryggi þess erlenda liðsafla, sem dvelur á Íslandi á grundvelli samninga skv. 2. gr., eða varðandi öryggi aðildarríkja þessara samninga skal sæta fangelsi allt að sextán árum.

□ Hver sá sem falsar, eyðileggur eða nemur á brott skjöl eða hluti sem hafa þýðingu fyrir erlendan liðsafla, sem dvelur hér á grundvelli samninga skv. 2. gr., eða aðildarríki þessara samninga skal sæta fangelsi allt að sextán árum.

□ Hver sá sem með gáleysi eða ásetningi skýrir án leyfis frá hernaðarundirbúningsaðgerðum eða tekur eða birtir myndir hvers konar, þ.m.t. loftmyndir, af hernaðarmannvirkjum, birgðaskemmum eða búnaði erlends liðsafla skv. 2. gr., skal sæta sektum eða fangelsi allt að þremur árum enda sé um að ræða auglýst bannsvæði sem sé afgirt eða fór almennings inn á það eða um það bönnuð með merkjum eða með örðum glöggum hætti.

□ Hafi verknaður skv. 1. og 2. mgr. þessara greinar verið framinn af gáleysi varðar það fangelsi allt að þremur árum eða sektum ef sértakar málsbætur eru fyrir hendi.

■ **7. gr.** Erlendur liðsafla og borgaralegar deildir hans sem dvelja hér á landi á grundvelli alþjóðasamninga skv. 2. gr. skulu hér lendis njóta þess skattfrelsí og þeirra tollundanapna sem samningarnir kveða á um.

■ **8. gr.** Ákvæði þessara laga hafa engin áhrif á lög nr. 110/1951, um lagagildi varnarsamnings milli Íslands og Bandaríkjanna og um réttarstöðu liðs Bandaríkjanna og eignir þess.

■ **9. gr. ...¹⁾**

¹⁾ L. 34/2008, 30. gr.

■ **10. gr.** Utanríkisráðherra er með reglugerð heimilt að setja nánari reglur um framkvæmd þessara laga.

■ **11. gr.** Lög þessi öðlast þegar gildi.